

بعض ورع بارد و یارم فقیه واعظك شریعت مطهره ده واقع اولیان موادی
 شرعه عز و اسنادیله گویا شریعت و مسلمینه خدمت ایدرلر . حالبوکه بویله امر
 بدیهیه مقابله و مکابره ادنی ادراکی اولان مسلم و غیر مسلم واهی و باطل اولدینی
 تیقن ایدر بوسبیلله جهله و عوام بومفتریان قیاسیله سائر احکام و ادله شرعیه ده
 اشتباه و تردد ایدر، بوسبیدن غزالی مرحوم دیرکه جاهل ناصح دین و شریعت
 بیک کافردن زیاده ضرر ایدر . اما لاعدوی حدیثی شریفی محدثین و فقها عندنده
 لا تجاوز ولا تأثیر للمرض بغير خلق الله و تأثیر ایلله مفسردر و خلق و تأثیر الهی ایسه
 اسبابه مربوط اولدینی معلومدر . نار و ثلجه تماسیله حق تعالی حرارتی و برودتی
 خلق ایدر . و از جمله حضرت فاروق رضی الله عنه مجذوم اولان شخصی
 ناس ایلله اختلاطدن منع و حبس ایتمی بزه کافیدر . و بعض فقها اصابت
 عین ایلله معروف اولان شخصی اختلاطدن حبس ایلله فقیر اولدینی حالده
 بیت المالدن ارزاق آنور دیمشدر . و الحاصل جمیع اشیا ده تأثیر حق تعالی نیک
 خلق و ایجادیلله اولدینی ایمان ایدن کمنهیه اسباب موهومیه دخی تشبیه
 شرعاً باس اولدینی مینیدر . بوضوح علت مزبور نیک منکر اولیان اسباب
 اندفاعیه می طولایند تشبیهات حکومت قارشو طوریه رق تلقی و قبول ایدلمی
 و شاید مسئله ده دیاتجه اشتباهی اولنلر اولدینی حالده تحریراً مطالعاتلرینک
 اشعاری و یا مصارف راهیه طرفزدن تسویه اولمق اوزره بالذات بورایه کلوب
 حل مشکل ایتملری خصوصنک دخی علاوه افاده سی و بونک کی شبهه ایدیلله حک
 مسائله استفسار مسئله دن اصلاً چکنمیه رک ایما و اشعار بیورلمی بالجملة قضایه
 یازلدینی کی طرف کریمانه لینه دخی بیان حاله ابتدار قلندی .

سا ۲۰ ربیع الآخر سنه ۳۰۰ رئیس مجلس علماء
 بوسنه و هرسک



قاضی زاده محمد انوری افندی

احوال ماضیه سی نسیان ایچنده قالان بر ملتک استقبالی مشکو کدر .
 کچمش زمانده ملتته حسن خدمت ایدم رک ابقای نام ایتمش اولان اعظمک
 حیاتلرینی ، فدا کارلقلرینی ، ترجمه حاللرینی تبیع و تحری ایدوب اولنلری
 انسال آتییه ، نمونه امتثال اولمق اوزره تبلیغ و تقدیم ایدن بر ملت بنای
 استقبانه صاعلام بر تمل وضع ایتمش اولیور .

بوسنه و هرسک ولایتی دولت علیه عثمانیه نیک زیر اداره سنده ایکن دولت
 مشارالیه نیک یوکسک مقاملرینی اشغال ایدن و امور اداره ایلله امور حربیه
 و سیاسیه ده بک چوق خدمات حسنه ابراز ایلله تورکیا دولتک ترقی و تعالی سنه
 کمال موفقیتله چالیشمش اولان همشهریلریمزک عددی بک چوققدور . مدنیت
 ایلله علوم و فنونک مختلف شعباتنده صاحب ید طولای اولمق درجه سنده کسب
 اختصاص ایتمش و عثمانی تاریخنک هر صفحه سنده کمال حرمتله ناملری یاد
 ایدیلله کلش اولان اجدادمز ، بزم ایچون نه قدر شایان افتخاردولر ! بوسنه
 و هرسکک تورکیا دواتنه یتشدرمش اولدینی بونجه وکلا ، وزراء ، امراء ، شعرا
 و سائر اعظمک کیم ونه اولدقلرینی ونه درجه ده بویوککلر و قهرمانلقلر کویستر .
 دکلرینی اوکریمک بز احفاد اوزرینه مقدس بر فریضه ذمتدر . بو فریضه یی
 ادا ایتمکله کندی اصلمز ، کندی منشأ مز اوکره نه چکز و حب وطنه
 تعالی ملت اوغورنده فدا کارلق وظائفی ایفا خصوصنده اجدادیمزک اثرینه
 اقتفا ایدم رک کندی اولاد و احفادیمزده او یولده تربیه و یره چکز .

مع التأسف سوابق اعظممزی حفره نسیاندن چیقاروب میدان علانیه
 قویمق ایچون اونلرک تاریخنی ، ترجمه حاللرینی تدقیق و تحرییه قوییلان اصحاب
 قلم نادرور .

فی الواقع بوسنه نیک تورکیا اداره سی زماننک صوکنه ظوغری بووظیفه یی
 درعهده ایدن ذوات و ارایدی . آوستریانک اشغالندن صوکرده باش آغا زاده
 صفوت بک دخی « دولت عثمانیه ده بوسنه اعظمی » نامیله یازدینی کتابده